

Na osnovu člana 363. stav 1. i stav 3. tačka 3. Zakona o stvarnim pravima („Službene Novine Federacije Bosne i Hercegovine“ broj: 66/13 , 100/13), člana 10. Odluke o građevinskom zemljištu („Službene novine Kantona Sarajevo“ broj: 6/14, 3/15), člana 4. stav 1 tačka c) Pravilnika o postupku javnog konkursa za raspolaganje nekretninama u vlasništvu FBiH, Kantona, općina i gradova („Službene novine Federacije Bosne i Hercegovine“ broj 17/14), i člana 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14 - Prečišćeni tekst i 14/15), Općinsko vijeće Vogošća na sjednici održanoj dana 30.11.2017. godine donijelo je

**ODLUKU
O NEPOSREDNOJ POGODBI ZA PRODAJU NEIZGRAĐENOG GRAĐEVINSKOG
ZEMLJIŠTA U VLASNIŠTVU OPĆINE VOGOŠĆA**

Član 1.

Ovom Odlukom utvrđuje se neposredna pogodba za prodaju zemljišta u vlasništvu Općine Vogošća kupcu JP“Elektroprivreda Bosne i Hercegovine“ d.d. Sarajevo radi rekonstrukcije kablovske transformatorske stanice KBTS 10(20)/0,4 kV „Granit naselje“ na lokalitetu Svraka.

Predmet prodaje je zemljište označeno kao :
- k.č.broj 1529/34 kulture gradilište površine 14m² upisane u z.k.ul.broj 9259 k.o. SP_ Donja Vogošća, a koja po novom katastarskom premjeru odgovara k.č.broj 302/7 k.o. Vogošća .

Član 2.

Cijena neizgrađenog građevinskog zemljišta iz tačke 1. ove Odluke utvrđena je u iznosu od 70,00KM/m² .

Član 3.

Kupoprodajna cijena za zemljište iz tačke 1. ove Odluke koju je JP “Elektroprivreda Bosne i Hercegovine“ d.d.Sarajevo dužna platiti iznosi 980,00KM (14m² x 70,00KM/m²).

Naknada se uplaćuje na žiro račun Budžeta općine Vogošća broj: 3380002210016547 sa naznakom vrste prihoda 722435 putem UniCredit Bank d.o.o. Sarajevo.

Član 4.

Na osnovu ove Odluke Općinski Načelnik će zaključiti kupoprodajni ugovor sa JP“Elektroprivreda Bosne i Hercegovine“ d.d.Sarajevo u formi notarski obrađene isprave.

Član 5.

Troškove notarske obrade kupoprodajnog ugovora, troškove upisa prenosa vlasništva i poreza na promet nepokretnosti snosi kupac.

Član 6.

Kupac je dužan u roku od 15 dana od dana zaključenja Ugovora o prodaji uplatiti ugovorenu kupoprodajnu cijenu.

Član 7.

Kupac se može uknjižiti kao vlasnik i posjednik kupljene nekretnine nakon što uplati naknadu za zemljište utvrđenu kupoprodajnim ugovorom.

Član 8.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj:01-05-1646/17
Vogošća, 30.11.2017.godine



